



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN, CULTURA Y DEPORTE

RESOLUCIÓN de 4 de setiembre de 2012, de la Consejería d'Educación, Cultura y Deporte, pola que se modifica la Resolución de 9 de mayu de 2012 pola que s'autoriza'l gastu y s'aprueba la convocatoria de subvenciones pa la normalización social de la lliteratura n'asturianu y en gallego-asturianu nel ámbitu editorial, en réxime de concurrencia competitiva.

Antecedentes alministrativos

Primeru.—Mediante Resolución de 9 de mayu de 2012 la Consejería de Cultura y Deporte aprobó la convocatoria de subvenciones pa la normalización social de la lliteratura n'asturianu y en gallego-asturianu nel ámbitu editorial, en réxime de concurrencia competitiva.

Segundu.—Asina mesmo na mentada Resolución, la Consejería de Cultura y Deporte autorizó un gastu por importe de ciento cinco mil seiscientos euros (105.600 €) para financiar la mentada convocatoria con cargu a la aplicación presupuestaria 15.02.422R.472.018.

Terceru.—Depués, por parte de la Comunidá Autónoma del Principáu d'Asturies ye mester adoptar midides urxentes de contención del gastu n'aplicación de los Alcuerdos del Conseyu de Política Fiscal y Financiera, énte'l que la mentada Comunidá Autónoma se comprometió a adoptar midides suficientes pa garantizar el cumplimientu del oxetivu d'estabilidad de 2012.

Fundamentos de derechu

I. Llei 6/84, de 5 de xunetu, del Presidente y del Conseyu de Gobiernu del Principáu d'Asturies, en rrellación cola Llei 2/95, de 13 de marzu, de Réximen Xurídicu de l'Alministración del Principáu d'Asturies, tocante a la competencia de la Ilma. Sra. Conseyera d'Educación, Cultura y Deporte.

II. Artículu 8 del Decretu Llexislativu 2/98, de 25 de xunu, pol que s'aprueba'l Testu Refundíu del Réxime Económicu y Presupuestariu, en cuantes habilita al Conseyeru correspondiente pola mor de la materia p'autorizar y disponer los gastos propios de los servicios al so cargu hasta la llende que contemplan les sucesives Lleis de Presupuestos.

III. Artículu 26 de la Resolución de 16 de mayu de 2005, de la Consejería d'Economía y Alministración Pública, pola que s'establez el sistema d'información contable de l'Alministración del Principáu d'Asturies y el so sector públicu y s'aprueben les normes sobre los procedimientos de xestión, tramitación y réxime de contabilidad na execución del presupuestu de gastos.

En razón de tolo espuesto, na situación económica d'anguaño y atendiendo a un criteriu de prudencia presupuestaria:

RESUELVO

Primeru.—Reducir l'importe del gastu total autorizáu na Resolución de 9 de mayu de 2012 pola que s'autoriza'l gastu y s'aprueba la convocatoria de subvenciones pa la normalización social de la lliteratura n'asturianu y en gallego-asturianu nel ámbitu editorial, en réxime de concurrencia competitiva, que queda establecíu en ochenta y cuatro mil cuatro cientos ochenta euros (84.480 €) con cargu a la aplicación presupuestaria 15.02.422R.472.018 de los Presupuestos Xenerales del Principáu d'Asturies pal exerciciu 2011, prorrogas pal añu 2012.

Segundu.—Ordenar la publicación de la presente Resolución nel *Boletín Oficial del Principáu d'Asturies* (BOPA).

Esti actu pon fin a la vía alministrativa y contra'l mesmu cabe interponer recursu contenciosu-alministrativu énte'l Xulgáu de lo Contencioso-Alministrativu nel plazu de dos meses contaos dende'l siguiente día al de la so notificación, ensin perjuiciu de la posibilidá de previa interposición del recursu potestativu de reposición énte'l mesmu órganu que dictó l'actu nel plazu d'un mes contado dende'l siguiente día al de la so notificación, nun pudiendo ser simultaneos dambos recursos, conforme a lo establecíu nel artículu 28 de la Llei del Principáu d'Asturies 2/1995, de 13 de marzu, sobre Réxime Xurídicu de l'Alministración d' Asturias.

Oviedo, a 4 de setiembre de 2012.—La Conseyera d'Educación, Cultura y Deporte, Ana González Rodríguez.—Cód. 2012-16312.